



প্রতিরক্ষামন্ত্রক

# ইন্দ্র—২০১৭ (আই.এন.ডি.আর.এ.) ভারত ও রাশিয়ার মধ্যে দীর্ঘদিনের সামরিক ও কূটনৈতিক সম্পর্ক রয়েছে

Posted On: 25 OCT 2017 11:36AM by PIB Kolkata

ভারত ও রাশিয়ার মধ্যে দীর্ঘদিনের সামরিক ও কূটনৈতিক সম্পর্ক রয়েছে। সহযোগিতার এই সম্পর্ককে রক্ষা করার জন্য ভারত ও রাশিয়া বার্ষিক সামরিক মহড়া 'ইন্দ্র'-এর(আই.এন.ডি.আর.এ.—ইন্ডিয়া ও রাশিয়ার আদ্যক্ষর নিয়ে গঠিত) আয়োজন করেছে। সামরিক সহযোগিতার এই মাইলফলক হচ্ছে দুই দেশের শক্তিশালী ও স্থিতিস্থাপক সম্পর্কের প্রতীক। ইন্দ্র-২০১৭ হচ্ছে দুই দেশের মধ্যকার তিনটি বাহিনীর মধ্যে একসঙ্গে প্রথমবারের মত বিপাক্ষিক মহড়া।

১৮ অক্টোবর ভারতীয় বায়ুসেনার আই.এল.-৭৬ এয়ারক্রাফট উড়িয়ে ভারতীয় স্থল ও বায়ু সেনারা রাশিয়ার ভ্লাদিভস্তক শহরে গেছে। এই বাহিনীর নেতৃত্বে রয়েছেন, টাস্ক ফোর্স কমান্ডার মেজর জেনারেল এন.ডি. প্রসাদ। সেখানে রাশিয়ান ইন্টার মিলিটারি ডিস্ট্রিক্ট-এর পঞ্চম বাহিনীর কমান্ডার মেজর জেনারেল কুটুজভ তাকে উষ্ণ অভ্যর্থনা জানান।

১৯ অক্টোবর দেশীয়ভাবে নির্মিত দুটি ভারতীয় যুদ্ধ জাহাজ আই.এন.এস. সাতপুরা ও আই.এন.এস.কদমট রাশিয়ার ভ্লাদিভস্তক বন্দরে এসে পৌঁছায় এবং সেখানে ঐতিহ্যপূর্ণ আনুষ্ঠানিক স্বাগত জানানো হয়। অনুষ্ঠানে রাশিয়ার নৌবাহিনীর প্যাসিফিক নৌবহরের ডেপুটি কমান্ডাররয়ের এডমিরাল আনাতোলি জেলিনস্কি উপস্থিত ছিলেন।

টাস্কফোর্স কমান্ডার মেজর জেনারেল এন.ডি. প্রসাদের নেতৃত্বে এক প্রতিনিধি দল ভ্লাদিভস্তকের কার্যনিবাহী মেয়র শ্রী আলেক্সেই লিতভিনভের সঙ্গে সাক্ষাত করেন। মেজর জেনারেল এন.ডি. প্রসাদ ভারতীয় বাহিনীকে উষ্ণ অভ্যর্থনা প্রদানের জন্য মেয়রকে স্বাগত জানান এবং আশা প্রকাশ করেন যে, এই মহড়া দুই দেশের মধ্যকার পারস্পরিক সহযোগিতাকে আরও বৃদ্ধি করবে। ভারতের ন্যাভাল কম্পোনেন্ট কমান্ডার রয়ের এডমিরাল বিশ্বজিত দাশগুপ্ত এক উষ্ণ ও আন্তরিক পরিবেশের মধ্যে রাশিয়ান প্যাসিফিক নৌবহরের কমান্ডার-ইন-চিফ এডমিরাল সাগেই অ্যাডাক্টস-এর সঙ্গে মত বিনিময় করেন।

লেফটেন্যান্ট জেনারেল জে.এস. নেগি, এয়ার ডাইস মার্শাল ডি.আর. চৌধুরি এবং রয়ের এডমিরাল ডি:শ্রীনিবাসের নেতৃত্বে এক প্রতিনিধি দল ২৪৯ সেগেভস্কি প্রশিক্ষণ কেন্দ্র পরিদর্শন করেন। এখানে তিন বাহিনীর মহড়া ইন্দ্র-২০১৭ এর বেশিরভাগ অংশ অনুষ্ঠিত হবে। মহড়ার সমস্ত বিষয় প্রতিনিধি দলের কাছে সংক্ষেপে তুলে ধরা হয়। এরপর ভারতীয় বাহিনীকে থাকার জন্য যে জায়গা দেওয়া হয়েছে, তারা সেখানে যান।

ইন্দ্র-২০১৭পারস্পরিক বিশ্বাস ও আন্তঃ-পরিচালনাকে শক্তিশালী করা এবং দুই দেশের সশস্ত্রবাহিনীর সেবা অনুশীলনী আদান-প্রদান করার ক্ষেত্রে কাজ করবে। তিন বাহিনীর এই যৌথ মহড়া দুই দেশের মধ্যকার সাধারণ প্রতিকূলতা মোকাবিলায় প্রতিশ্রুতি বৃদ্ধিকেও প্রদর্শিত করবে।

(Release ID: 1506931) Visitor Counter : 4

## Background release reference

ভারত ও রাশিয়ার মধ্যে দীর্ঘদিনের সামরিক ও কূটনৈতিক সম্পর্ক রয়েছে

